



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ
ՔԱՂԱՔԱՅԻԱԿԱՆ ԴԱՏԱՐԱՆ
Ո Ր Ո Շ ՈՒ Մ**

**ԳՈՐԾԸ ՎԱՐՈՒՅԹ ԸՆԴՈՒՆԵԼՈՒ ԵՎ ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ
ՆՇԱՆԱԿԵԼՈՒ ՄԱՍԻՆ**

23.11.2023թ.

ք. Երևան

Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Լ. Սաղոյանս, ծանոթանալով թիվ ԵԴ/4396/02/23 քաղաքացիական գործի նյութերին,

Պ Ա Ր Զ Ե Ց Ի

«Ամարաս-Յուս» ՍՊ ընկերության կողմից 03.02.2023 թվականին հայցադիմում է ներկայացվել Դատարան ընդդեմ ՀՀ տարածքային կառավարման և ենթակառուցվածքների նախարարության՝ «Հայկական ատոմային էլեկտրակայան» ՓԲԸ կողմից վերջինիս և «Ամարաս-Յուս» ՍՊ ընկերության միջև 19.08.2020 թվականին կնքված թիվ 02/10 ՀԱԷԿ-ԲՄԱՇՁԲ-2-20 ծածկագրով պայմանագրի 16.01.2023 թվականի միակողմանի լուծումը և «Ամարաս-Յուս» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում 2 տարի ժամկետով ներառելու մասին որոշումն անվավեր ճանաչելու պահանջի մասին:

«Ամարաս-Յուս» ՍՊ ընկերության ներկայացուցիչը 06.02.2023 թվականին Դատարան է ներկայացրել ոչ պատշաճ պատասխանողին փոխարինելու մասին միջնորդություն՝ խնդրելով պատասխանող՝ ՀՀ տարածքային կառավարման և ենթակառուցվածքների նախարարությանը փոխարինել «Հայկական ատոմային էլեկտրակայան» ՓԲ ընկերությամբ:

Դատարանի (դատավոր՝ Մ. Տաշյան) կողմից 07.02.2023 թվականին կայացվել են որոշումներ հայցադիմումը վարույթ ընդունելու և ապացույց պահանջելու մասին, իսկ 14.02.2023 թվականի որոշմամբ եզրափակիչ դատական ակտի հրապարակման օր է նշանակվել 21.03.2023 թվականը:

Դատարանի (դատավոր՝ Մ. Տաշյան) 27.02.2023 թվականի որոշմամբ ՀՀ տարածքային կառավարման և ենթակառուցվածքների նախարարությունը փոխարինվել է «Հայկական ատոմային էլեկտրակայան» ՓԲ ընկերությամբ:


Դատարանի (դատավոր՝ Մ. Տաշյան) 21.03.2023 թվականի վճռով հայցը բավարարվել է:

Հայաստանի Հանրապետության վերաքննիչ քաղաքացիական դատարանի 2023 թվականի սեպտեմբերի 15-ի որոշմամբ Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանի՝ 21.03.2023թ. թիվ ԵԴ/4396/02/23 վճիռը բեկանվել և գործն ուղարկվել է նույն դատարան՝ ամբողջ ծավալով նոր քննության, այն հիմնավորմամբ, որ «Դատարանը 27.02.2023 թվականի ոչ



պատշաճ պատասխանողին փոխարինելու մասին Հայցվորի միջնորդությունը բավարարելու և Պատասխանողից ապացույց պահանջելու մասին որոշումներն ուղարկել է Պատասխանողին Արմավիրի մարզ, 0910, ք. Մեծամոր հասցեով, որոնք ստացվել են վերջինիս կողմից 20.03.2023 թվականին միայն, այսինքն, դատական ակտի հրապարակման օրվանից մեկ օր առաջ:

Բացի այդ, Պատասխանողը 07.03.2023 թվականի դիմումով բարձրաձայնել է ներկայացվող ապացույցներն ի կատարումն Դատարանի 07.02.2023 թվականի հայցադիմումը վարույթ ընդունելու և 14.02.2023 թվականի եզրափակիչ դատական ակտի հրապարակման օր նշանակելու մասին որոշումների ներկայացված /այդ որոշումները կայացնելու պահի դրությամբ գործով պատասխանող է հանդես եկել ՀՀ տարածքային կառավարման և ենթակառուցվածքների նախարարությանը/ և հայցադիմումի օրինակը ստացած չլինելու մասին, և գործում առկա չէ հայցադիմումը Պատասխանողին տրամադրելու վերաբերյալ ապացույց: Ինչ վերաբերում է «nemo.zadayan@mail.ru» էլեկտրոնային հասցեից 16.03.2023 թվականին հայցադիմումի օրինակն էլեկտրոնային եղանակով «anpp@anpp.am» էլեկտրոնային հասցեին ուղարկված լինելու վերաբերյալ ապացույցին, ապա Վերաքննիչ դատարանն արձանագրում է, որ այն վերաբերելի չի կարող համարվել Դատարանի կողմից ՀՀ քաղաքացիական դատավարության օրենսգրքի 97-րդ հոդվածի 1-ին մասով սահմանված պարտականության կատարմանն առնվազն այն պարճառով, որ «nemo.zadayan@mail.ru» էլեկտրոնային հասցեն չի հանդիսանում Դատարանի պաշտոնական էլեկտրոնային փոստի հասցեն և չի կարող հաստատվել Դատարանի կողմից որևէ դատավարական գործողության կատարման փաստը, այն էլ սույն գործով հայցադիմումը Դատարանի կողմից Պատասխանողին ուղարկված լինելու փաստը: Ավելին, գործում առկա չէ ՀՀ քաղաքացիական դատավարության օրենսգրքի 97-րդ հոդվածի 4-րդ մասով սահմանված նշված դատավարական գործողության վերաբերյալ ապացույցը, այն է՝ ծանուցագիրը ստանալու մասին էլեկտրոնային հավաստումը: Վերաքննիչ դատարանն արձանագրում է նաև, որ գործում առկա չեն Դատարանի 27.02.2023 թվականի ոչ պատշաճ պատասխանողին փոխարինելու մասին Հայցվորի միջնորդությունը բավարարելու և Պատասխանողից ապացույց պահանջելու մասին որոշումները Պատասխանողի պաշտոնական էլեկտրոնային փոստին ուղարկելու փաստը հաստատող պատշաճ ապացույցներ: Ինչ վերաբերում է գործում առկա՝ «m.tashchyan@court.am», «anpp@anpp.am», «ապացույց 1 հայցվորին.pdf, եզրափակիչ հայցվորին 1.pdf, ոչ պատշաճը հայցվորին.pdf» և այլ գրվածքներ պարունակող փաստաթղթին (գ.թ. 72), ապա դրանում առկա գրառումները բավարար չեն հաստատված համարելու այն փաստը, որ Դատարանի կողմից որևէ որոշում ուղարկվել է Պատասխանողին և ստացվել վերջինիս կողմից: Այսինքն՝ տվյալ դեպքում ՀՀ քաղաքացիական դատավարության օրենսգրքի ընդհանուր և հատուկ նորմերով սահմանված ընթացակարգով Պատասխանողի ծանուցումը չի իրականացվել և վերջինս զրկված է եղել քննվող գործի վերաբերյալ իր դիրքորոշումը հայտնելու հնարավորությունից, հաշվի առնելով այն հանգամանքը, որ Դատարանի կողմից ուղարկված վերը նշված որոշումները Պատասխանողը կապի ծառայությունից ստացել է միայն 20.03.2023թ., իսկ 21.03.2023թ. Դատարանը հրապարակել է սույն գործով կայացված վճիռը: (...) Հիմք ընդունելով վերոգրյալը՝ Վերաքննիչ դատարանը գտնում է, որ խախտվել է Պատասխանողի՝ ՀՀ Սահմանադրության 61-րդ, 63-րդ և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածներով



երաշխավորված արդար դատաքննության իրավունքը: Վերը շարադրված պատճառաբանությունների հիման վրա Վերաքննիչ դատարանը բողոքի սույն հիմքը հիմնավոր է համարում և դիպում բավարար՝ վճիռը բեկանելու և գործը նոր քննության ուղարկելու համար:»

2023 թվականի նոյեմբերի 15-ին թիվ ԵԴ/4396/02/23 քաղաքացիական գործը ստացվել է բեկանումից հետո և նույն օրը մակագրվել է Դատարանի դատավոր Լ. Սադոյանին:

Գործը նախագահող դատավորին է հանձնվել 2023 թվականի նոյեմբերի 20-ին:

«Քաղաքացիական դատավարության օրենսգրքի 410-րդ հոդվածի 1-ին մասի համաձայն՝ դատարանի եզրափակիչ դատական ակտը բեկանվելու և գործը նոր քննության ուղարկելու մասին դատական ակտ կայացվելու դեպքում գործն ուղարկվում է համապատասխան դատարան դատական ակտն օրինական ուժի մեջ մտնելու պահից երեք օրվա ընթացքում:

«Քաղաքացիական դատավարության օրենսգրքի 411-րդ հոդվածի 1-ին մասի համաձայն՝ դատարանի եզրափակիչ դատական ակտը բեկանելու և գործը նոր քննության ուղարկելու մասին դատական ակտ կայացնելու դեպքում դատարանը գործն ստանալուց հետո՝ եռօրյա ժամկետում, կայացնում է գործը վարույթ ընդունելու մասին որոշում:

«Քաղաքացիական դատավարության օրենսգրքի 413-րդ հոդվածի 1-ին մասի համաձայն՝ **գործի նոր քննությունը դատարանում իրականացվում է դատարանում գործերի քննության համար սույն օրենսգրքով սահմանված կանոններով՝ հաշվի առնելով սույն գլխի առանձնահատկությունները:**

«Քաղաքացիական դատավարության օրենսգրքի 166-րդ հոդվածի համաձայն՝ առաջին ատյանի դատարանը պատասխանողից հայցադիմումի պատասխան ստանալու, իսկ այն չներկայացվելու դեպքում պատասխան ուղարկելու համար սահմանված ժամկետն ավարտվելու, ինչպես նաև վերադաս դատարանից գործն ստանալու օրվան հաջորդող եռօրյա ժամկետում որոշում է կայացնում նախնական դատական նիստ նշանակելու վերաբերյալ, որն ուղարկվում է գործին մասնակցող անձանց:

Նախնական դատական նիստը պետք է հրավիրվի այն նշանակելու մասին որոշման կայացմանը հաջորդող երեսուրյա ժամկետում:

«Քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

«Քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է **գրավոր ընթացակարգով**, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Նկատի ունենալով «Քաղաքացիական դատավարության օրենսգրքի 234.9-րդ հոդվածի 1-ին մասի իրավակարգավորումը, ըստ որի՝ «Քաղաքացիական դատավարության օրենսգրքի 27.2 գլխով նախատեսված գնումների հետ կապված վեճերը քննվում և դրանց վերաբերյալ վճիռներն ու որոշումները կայացվում են գրավոր ընթացակարգով, ինչպես նաև հիմք ընդունելով՝ Հայաստանի Հանրապետության



վերաքննիչ քաղաքացիական դատարանի 2023 թվականի սեպտեմբերի 15-ի որոշմամբ սահմանված գործի նոր քննության ծավալը, մասնավորապես՝ ՀՀ քաղաքացիական դատավարության օրենսգրքով սահմանված ընթացակարգով Պատասխանողի ծանուցումը իրականացնելու և վերջինս կողմից քննվող գործի վերաբերյալ իր դիրքորոշումը հայտնելու հնարավորություն վերապահելու անհրաժեշտությունը՝ Դատարանը գտնում է, որ սույն վեճի քննությունը պետք է իրականացնել գրավոր ընթացակարգով՝ սահմանելով, որ **պատասխանողից սվյալ գնման գործընթացի հետ կապված վերջինիս տիրապետման տակ գտնվող բոլոր ապացույցները և հայցադիմումի պատասխանը պատասխանողի կողմից կարող են ներկայացվել Դատարանի՝ գործը վարույթ ընդունելու մասին սույն որոշումը ստանալուց հետո հինգօրյա ժամկետում:**

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 27.2 գլխի կանոններով, 27-րդ, 199-200-րդ և 360-362-րդ հոդվածներով՝

Ո Ր Ո Շ Ե Ց Ի

1. Թիվ ԵԴ/4396/02/23 քաղաքացիական գործն ընդունել վարույթ և գործով եզրափակիչ դատական ակտի հրապարակման օր նշանակել 2024 թվականին հունվարի 08-ին՝ ՀՀ դատական իշխանության պաշտոնական ինտերնետային կայքում:
2. «Հայկական ատոմային էլեկտրակայան» ՓԲԸ-ի կողմից Դատարանի (դատավոր՝ Մ. Տաշյան)՝ 27.02.2023թ. ապացույց պահանջելու մասին որոշմամբ սահմանված ապացույցները, ինչպես նաև հայցադիմումի պատասխանը կարող է ներկայացվել դատարան սույն գործը վարույթ ընդունելու մասին սույն որոշումը ստանալուց հետո 5-օրյա ժամկետում:
3. Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



ԼԻԼԻԹ ՍԱՂՈՅԱՆ